

八卦分明鋪擺定二人各四陽陰中間玄妙細搜尋若能知此
味便是得真金恬淡隱藏清與淨甜甘卻顯佳音八都山上出
高岑正當堪眺望方是好登臨

丹陽次韻

八識通知心已定徧觀物物皆陰不如留意則追尋水中閑養
火玉內要生金直待陽純丹不漏恁時可稱知音超然雲步上
瑤岑不勞極目望自見好光臨

詩與丹陽

百日扁門意已投定須堪可作朋儔馬猿返性緣攀戀桃杏爲
人也害羞從此果能成決斷端然真箇好因由撐篙已在中流
裏難下逍遙得岸舟

道藏輯要

分梨十化集

五

胃集二

丹陽繼韻

今朝誓狀謹相投做箇灰心物外儔鍊氣頤神常有樂上街展
手畧無羞孽開世網歸真趣跳出樊籠得自由參從本師雲水
去逍遙坦蕩駕神舟

絕句

謾說修行學大道切須先向身中考勸公第一莫多情天若有
情天也老

丹陽次韻

得遇明師歸正道迴光返照心頭考自然開悟絕塵情箇內修